

Augstākā taisnība

LK(b)P Ludzas apriņķa komitejas un apriņķa izpildu komitejas laikrosts

Nr. 42 (132) 2. gods

Svātdiņ, 1947. g. 13. aprīlī

Cena 15 kap.

Ōtrōk izvērst pavasara lauku dorbis

Daudzējūs myusu apriņķa pogostus, kai, pīmāram, Istras, Mērdzenes un cytus īsōka izlases aršonu. Izvērtēs lauku dorbi Sobolinas, Cucuru un Mērdzenes cīma padūmēs. Uzora pirmūs hektarus vosorōju kulturom Cyblas pogosta priķšzeimeigōkais zemkūpis A. Šarapovs un daudzēji cytī. Pavasara lauku dorbi apriņķī izvēršās arvīn plašōkā un plašōkā apjūmā.

Lauku dorba zemņiki apzinojās, ka īstōjās laiks, kod teik lykti styngri pamati šō godā ražai. Jī labi zyna, ka nu tō, kai byus veikta pavasara sēja, atkarōsis augstōs ražas īgyušōnā. Na par veļti tautā runoj: „Pavasara dīna—baroj godu“.

Zemņiku vinōtō vēlēšōnōs izaudzēt augstū ražu, piļneibā izpildeit vēsturiskū VK(b)P CK februara Plenuma lāmumu par lauksaimniecības kōpynōšonas pasōkumim, pilīkt vysus spēkus tam, lai kai var ōtrōk un lobōk veikt pavasara sēju, īlikt sovu daļu leīdzdaleības pirmōs pēckara pēcgades izpīldeīšōnā.

Tūmār, šur—tur ar pavasara lauku dorbu izvēršōnu pagaidam vēļ nasasteīdz. Pīmāram, nav sōkuši pavasara lauku dorbis Brigu un Nautrānu pogostus. Šūs pogostu partijas un padūmju vadeitōji, lai cik ni tys sovaldi, arvīn vēļ atrūnās „īsolušūs“ un „mytrūs“

Projektej jaunus ryupņiceības uzjāmumus Latvījai

Leninradā projektej jaunus byuvmaterīalu ryupņiceības uzjāmumus Padūmju Latvījai. Patlobon sastōda tehniskū projektu silīkatu kīgeļu ryupņiceīcai, kuru ceļs Bolde-rajā. Ryupņiceīca paradzāta 40 miljōnu silīkatu kīgeļu ražōšōnai godā. Teik izstrōdōts arī projekte Bolde-rājas byu-

iskotu gyustā un namobilizei dorba zemņikus sovlaiceīgai pavasara aršonas sōkšōnai, ceīņai par augstū staliniskū ražu.

Slyktōk tō, Nautrānus un Brigūs daudzās zemņiku saīmniceības nav sasagatavōjušās lauku dorbu sōkšōnai. Šyte nateik organizeita bīdriskō pašīspaleīdzeība ar sāklū un vīļceīspāku.

Tōpēc nav najaušeība, ka desmitēm Brigu pogosta saīmniceības, sevišķi Krivandas cīma padūmē, leīdz šām laikam nav piļneibā apgōdōtas ar sāklās materiālu. Nav izvārsta pašīspaleīdzeība ar vīļceīspāku.

Nautrānu MZIP moz pīgrīz vēreības zemes apstrōdōšōnai Tēvijas kara invālidu, karaveīru gīmiņu un bezzyrgu saīmniceībōs. Tai, pīmāram, tikai vinā Kristinku cīma padūmē skaitās 25 taidās saīmniceības. Bet leīgums nūslāgts tikai ar vīnu saīmniceību.

Leli tryukumi sējai sasagatavōšonas dorbā ir arī padūmju saīmniceībā „Sala“.

Sasagatavōšōnōs lauku dorbim kotrā saīmniceībā un paleīgsaīmniceībā, kotrā lauksaīmniceības sabīdreībā nakavejūtīs jōpabeīdz.

Laiks nagaida. Īsasōka pavasara lauku dorbi. Izlases veīda aršona jōsōk vysur!

Zemņiki, ōtrōk beīdzīt sasagatavōšōnūs sējai, draudzeīgi ejat teīrumūs pavasara lauku dorbā!

keramīkas kombinata rekonstrukcijai. Šys kombinats kļyus par ļūti lelu uzjāmumu, kurā ražōs kanalizācijas caurules, ugunsdrūšūs byuvmaterīalus, ītārpa un metlača plōtnes.

Šūgod paradzāts sastōdeit projektus kaļķu ryupņiceīcom Nīgrandē un Saulkolnā.

Īsōka aršonu un sēj ōbuleņu

Mērdzenes pogosta zemņiki izvērš lauku dorbis. Tēvijas kara invālidus un Mērdzenes cīma padūmes Silīnku cīma agitators Vasīlijs Efimovs uzora 0,5 hektara.

Styglovas cīma padūmes Krīvu Styglovas cīma zemņiks Nikīta Gruzdovs apsēja vīnu hektaru ōbuleņu.

A. Lazovskis,
Mērdzenes pogosta izpīldkomītejas sekretars.

APRIŅKA LAUKŪS

Istras pogostā ar kotru dīnu vairojās lauku dorbis uzsōkušūs zemņiku skaīts. Teik izvasti kūtsmāslī, zīmōju teīrumūs sēj ōbuleņu, kura apsāti jau trejs hektari. Zīmōjim uzsāts vērsmlōjums uz plateības 4 hektari.

Lauderu cīma padūmes Mozūs Čivčišu cīmā pirmās uzsōka aršonu desmita pylvarōtais Pīters Averčenko. Ar nu lauksaīmniceības sabīdreības saīmtū orklu jys jau uzora 3 hektarus zemes.

Cucuru cīma zemņiks Anīsimis Nikītīns agrajā sējā jau izsēja zērnus uz plateības 0,3 hektara.

Vysumā pogostā jau uzorts 10 hektaru.

V. Aleksandrovs.

MZIP orōji īsōka aršonu

Organizeīti īsōka izlases aršonu Pasīnes MZIP strōdnīki.

Pymā dorba dīnā sovā paleīgsaīmniceībā jī uzora 1,5 hektara. Nōkašā dīnā, 9. aprīlī punkta orōji uzora dīvi hektari bezzyrga zemneīcai Baranovai.

Tagad zemņiku teīrumūs strōdoj ostōīni orōji.

Pymū vītu pavasara aršōnā storp orōjim ījem orōjs Savīckīs.

V. Petrovs

Pavasara lauku dorbi sōkās

Punduru cīma padūmes Buraku cīma zemņiks Jōns Jegorovs uzora dīvōs dīnōs vīnu hektaru zemes vosorōju kulturom. Sekojūt jām teīrumā izbrauce sābrīs Gerāsīms Jegorovs.

Sōkās pavasara aršona Šūskovas cīma padūmē. Šūskovas cīma zemņiks Leons Marčēnoks un komjaunīša Michaila Aleksejenka saīmniceības sōkās pi atmatu uzaršonas.

Izvērtēs zīmōju vērsmlōšona. Punduru cīma padūmē dūts vērsmlōjums 25 hektari zīmōju plateībai.

G. Paulina.

Sekojūt altajīšu pīmāram

Aktīvi gatavōjās pavasara sējai Nērzās pogosta Seiļu cīma padūmes zemņiki. Šyte piļneīgi saremonteīts vysss lauksaīmniceības inventars, vysas saīmniceības apgōdōtas ar sāklās materiālu, sējas uzdavumi zynomi kotram zemņīkam.

Šō dorba veikšōnā lels nūpalns lauku aktivīstīm. Kotrā desmitā ir agitators. Jī organizej zemņiku pašīspaleīdzeību, mobilizej zemņikus sekmeīgai lauku dorbu izvesšōnai. Tai, pīmāram, agitators Ontons Vonda, strōdojūt Zubulū cīmā, pānōce, ka šys desmits pirmās cīma padūmē sasaga-

tavōja sējai. Labi strōdoj agitators Jezups Zadvīnskīs 1. Kabylovas cīmā. Šō cīma zemņiki jau seņ sasagatavōja lauku dorbim.

Lelu vēreību Seiļūs pīgrīz masu—īzskaidrōšonas dorbam storp zemņīkim. Agitatori seiki īpazeīstynoj zemņikus ar VK(b)P CK februara Plenuma lāmumu un altajīšu vēstulī bīdram Stālīnam.

Sovā sapulcē Seiļu cīma padūmes zemņiki, sekojūt altajīšu pīmāram, uzjēme saīsteības šymā godā izaudzeit bogōtu ražu.

A. Sjakste,
Seiļu cīma padūmes priķšsādātōjs.

Myusu lauksaīmniceības sabīdreība

Myusu lauksaīmniceības sabīdreība šō godā pymā catūrķšnī izrōdēja lelu paleīgu sovīm bīdrim pavasara sējai sasagatavōšōnōs dorbā. Caur lauksaīmniceības kooperacīju dorba zemņiki saījēme četras tonnas mīnerālmāslū, daudzi mašīnu, orklu, eceīzu, īskapšu un aizjyugu lītu. Mechaniskō darbneīca lītišķi saremontēja bīdreības bīdrim sējas inventaru un mašīnas.

Sakarā ar pavasara sējas tyvōšōnūs jytami pastyprnōjās zemņiku īstōšōnōs lauksaīmniceības sabīdreībā. Tikai pādejōs trejōs nedejōs sabīdreības ryndas paplašynōjās gāndreīz dīvkōrt. Lauksaīmniceības sabīdreībā tagad skaitās 110 saīmniceību. Šymā godā saskaņā ar

sējas planu myusīm jōapsēj sabīdrīskās zemes gobolu 40 hektaru. Sākla priķš šō gobola apsēšōnas piļneīgi atbārta, nūskīrōta un pārbau-deītas deīgšōnas spējas. Šymā lītā lelu paleīgu sabīdreībai izrōdēja bīdri. Jī deve sabīdrīskō zemes gobola apsēšōnai apmāram tonnu sāklās labeības.

10 hektaru sabīdrīskōs zemes gobola apstrōdōšōnai nūslēdze leīgumu ar Kōrsovas MZIP, bet pōreījus 30 ha bīdri nūlēme apstrōdēt sovīm spēkim.

Īt pādeji sasagatavōšōnōs dorbi. Šymōs dīnōs izbrauk-sīm art sabīdrīskā teīrumā.

A. Kuzmīns,
Kōrsovas lauksaīmniceības sabīdreības priķšsādātōjs.

Sējai nav vēļ sasagatavōjušīs

Nautrānu pogosta Kristinku cīma padūmē ir 180 saīmniceības. Šymā godā jōm jōapsēj ar gryudaugīm, pōkšaugīm un tehniskōm kulturom 400 hektaru.

Uzdavums nūpītīs un atbīldeīgs. Lai jū sekmeīgi izpīldeit, saīmt augstu ražu, jōpīlik daudz pyuļu un dorba. Bet golvonāis sovlaiceīgi sasagatavōt pavasara sējas izvesšōnas kampaņai. Bet cīma padūmes priķšsādātōjs bī. Kīpluks mozu uzmaneību veļtej sējai sasagatavōšōnōs dorbam. Jō nīmoz nauztrauc uztraucūšāis stōvūklīs par zemņiku sasaga-

tavōšōnu pavasara lauku dorbim.

Kristīnkūs ir 56 saīmniceības, kurom tryukst sāklās un 35 bezzyrgu saīmniceības. Tūmār leīdz šām laikam jōm nav organizeita nīkaīda paleīdzeība. Ar MZIP zemes apstrōdōšōnai nūslāgts tikai. . . vīns leīgums.

Cik sagōdōts mīneratūs un vītejīs māslū laukaugu vērsmlōšōnai, cīma padūmē nazyna.

Kod tad bī. Kīpluks nūpītīni kersīs pi sasagatavōšōnōs sējai, lai jū izvest sekmeīgi un eisōkā laikā?

P. Govorovs.

PARTIJAS DZEIVE

Taisneīga kritika

Partijas sapulcē pīsadalejušus komunistu vairokums jēme aktīvu daleibu VK(b)P CK februara Plenuma lāmuma un Latvijas K(b)P CK XVI Plenuma lāmuma apsprišsonā.

Par sovu lāmumu izpīldeišonu, — soka b. Stavro, — myusim nav nūorganizeita kontrole.

Bīdrs Stavro osi kritizēja pogosta izpīldeišonē priksādātēja vitnika b. Šakaleva dorbu.

Leidz pavasara sējai atlykušas skaiteitas dīnas. Pēc nāpīlneigom ziņom Brīgu pogosta zemnikim aramzemes apšēsonai tryukst 50—60 tonnu sāklas. Pēc partijas organizācijas sekretara b. Čudova un pogosta izpīldeišonē priksādātēja komunistu Gīrsa ziņojuma, pi lobas grybas, tryukstušū sāklū var sameklēt uz vītas. Bet ar šū jautojumu partijas organizācija nūsadorbōjās nāpīteikuši.

— Cik sagōdōts sāklas materiāla aizjīmšonēs ceļā pi zemnikim, kurim ir sāklas pōrpalykumi? — uzprasēja pogosta izpīldeišonē vadeitōjam Gīrsam.

— 780 kilogramu, — atbīldēja jys.

Nu šō radzams, ka partijas organizācija pagaidam nikaidus konkretūs mārūs nav pījāmusi tam, lai sameklēt uz vītas pītryukstušū sāklas daudzumu.

Bīdrs Murudenoks sovā uzstōsonā osi kritizēja Krivandā cīma padūmes dorbu.

— Myusu cīma izpīldeišonē,

— stōsta jys, — zemniki navar sajimt ni vīna lītiška padūma. Cīma padūmes sekretares b. Pavlovas vasalom dīnom nav dorbā.

— Pavlova ar nūlyuku aizlaide lītvedeību, bet pogosta izpīldeišonē nikōnadora, lai Krivandā īvest bolševitisku kōrteību, — soka bīdrs Murudenoks.

Leidz šam laikam pogosta izpīldeišonē nav zynoms, kas apstrōdēs zemi 192 bezzyrgu saimnīcībōs. Kas šōm saimnīcībōm snēgs praktisku paleidzeību, ka na pogosta vadeitōji? Bet leidz šam laikam šī zemniki paleidzeības naredz.

Partijas sapulcē tyka kritizeits lauksaimnīcības sabīdreības dorbs. Storp cytu, nu 18 komunistim, tikai divi sastōv lauksaimnīcības sabīdreībā, bet nu 60 komjaunīšim tikai 15 ir kōoperācijas bīdri.

Uzstōjušīs debatēs atklōja daudzi tryukumu sagōdes darbinīku dorbā. Par tū līcyņoj arī tys, ka lūpkūpeības produktu nūdavu pīrmo catūrksņa plans nūrauts. Nav paaugstynōjušīs sagōdes tempi arī šymā catūrksnī.

Partijas sapulcē pījēme konkretu lāmumu, virzeitu partijas organizācijas tryukumu nūvērsšonai, mobilizējušu komunistus un komjaunīšus sekmeigai VK(b)P CK februara Plenuma lāmuma izvesšonai dzīvē, otrōkai lauksaimnīcības atjaunōsonai un tōlōkai atteisteibai.

M. Beļanins.

MYUSU REPUBLIKĀ

Meža dīnas Latvijā

Vysā Latvijā nu 13. aprīļa leidz 18. majam nūtikis meža dīnas.

Meža dīnu sareikōsonai nūdybynōta Centralō meža dīnu komisija ar Latvijas PSR Ministru Padūmes priksādātēja vitniku b. Ostrovu priksgolā. Aprīkūs un pīlsātōs nūdybynomas vītejōs meža dīnu komisijas šaidā sastōvā: aprīnka (pīlsātas) izpīldeišonē priksādātōjs, Latvijas K(b)P organizācijas, izpīldeišonē komiteju izgleiteības nūdaļas vai skūlas, kulturas un izgleiteības īstōžu nūdaļas, komunalōs saimnīcības nūdaļas, kai arī komjaunōtnes organizācijas, mezsaimnīcību darbinīku, ceļā īstōžu darbinīku, orūdorganīzāciju un Padūmju Armījas daļu pōrstōvu. Pogostūs nūdybynomas kōkomisijas šaidā sastōvā; pogosta izpīldeišonē priksādātōjs,

pogosta partorgs, komjaunōtnes, skūlas un mezsaimnīcības darbinīku pōrstōvi.

Komisijom jōizzstrōdoj meža dīnu sareikōsonas plans, nūrōdūt vītas, kur atjaunōjami un apkūpjami meži, kaidas sabīdrīskōs īstōdes un ceļi apstōdami. Meža dīnēs aīcyāomi vacōki skūlāni, jaunōtne, pīlsātu un lauku aktīvistī. Par meža dīnu tehnīskajim vadeitōjim pījemami mežu darbinīki, dōrznīki, agronomi, dōbas zīneību skūlōtōji un cytas kompetentas personas.

Apstōdami, pīrma kōrtā, lelceli, šosejas, zemes goboli pi skūlom, slīnneicom un stacijom, stadioni, sporta laukumi, parki, MTS, padūmju saimnīcības, karaspāka nūmetnes un Tēvijas kara varūņu kopi.


Kīgeļcepli gatavojās dorbam

Latvijas kīgeļcepli rūseigi gatavojās dorbam.

Šūgod Tūjas un Kalkunu kīgeļceplūs ikōrtōs tai, lai dorbs varātu turpynōtis napōrtraukti cauru godu. Rekonstruēs arī Kalncīma kīgeļu kombinātu. Bez tam šūgod izdareis geologiskūs pētejumus, lai uzcaeltu

mechanizeitu kīgeļcepli Priekules rajonā.

Uzlobōs arī kīgeļu ceplū strōdnīku dzeivūklū apstōklūs, sabīdrīskū ādynōšonu un apgōdi. Kalncīma kombinātā vēļ šūgod uzceļs 3 dzeivojamōs ākas 1250 kvadratmetru plateībā.



Kaliningradā atjaunōta tramvaja līnija, kas savīnoj centralū pīlsātas daļu ar uzjāmumim, kuri atrūnas pīlsātas nūmalēs.

Uzjāmumā: tramvajs Uzvaras īlā.

Mōkslinīcīskōs pašdarbeības skate

Aprīnkī sōcēs mōkslinīcīskōs pašdarbeības skate, kurā jims daleību vairōk kai tyukstuša cylvāku. Pīrmo skates dīna Pīldas, Brīgu un Cyblas pogostūs pagōja organizēiti un augstā īdejsīki — politīskā līmīni. Tikai augšmynātūs trejūs pogostūs skatē jēme daleību 384 cylvāki.

Lelū paleidzeību skates sagatavōsonai un izvesšonai snādz partijas lauku organizācijas. Šymā seviški lelū pateiceību īzpeļnējās Pīldas

pogosta partorgs b. Borodāenko, kur pogosta pašdarbeības skate šūgod nūteik pīrmo reizi. Šyte skatei sasagatavōšonēs periodā veikts lels dorbs. Mōkslinīcīskōs pašdarbeības pulceņūs jem aktīvu daleību plašas dorba laužu masas. Pogosta skatē jēme daleību 155 lobōki dzīdōtōji, deklamēitōji, dejōtōji, jaunī akteri.

M. Ladusane,

aprīnka izpīldeišonē kulturas — izgleiteības nūdaļas vacōko īnspektore.

12. aprīlī Ludzas pīlsātā sōkās pīlsātas pašdarbeības skate. Jymā jem daleību 16 kolektīvi kūpskaitā ar 270 daleībīnikim t. ī. dīvkōrt vairōk kai pagōjušajā godā.

Lobōk par cytim sasagatavōjās pašdarbeības skatei Kultūras Noma (vadeitōjs b. Arons), orūdskūlas (vadeitōjs b. Tarabuchīns) un latvīšu vydusskūlas (vadeitōjs b. Novicāns) mōkslinīcīskōs pašdarbeības pulceņi.

Lelū paleidzeību pīlsātas

mōkslinīcīskōs pašdarbeības pulceņim skates sagatavōsonā snēdze šefi — Reīgas krīvu dramātīskō teatra režīisors b. Pjarns, akteri b. b. Polonskis, Plenevs, Čīzovs un Vachruševa. Par šū paleidzeību myusu pīlsātas jaunī akteri, dejōtōji, dzīdōtōji, deklamatori lūti pateiceigi.

K. Paņkova.

PADŪMJU DZIMTINĒ

Jaunu gryudaugu kulturu šķirņu radeitōji

Barnaulas īzmēginōjumu selekcijas stacija atrūnas Altaja augleīgajā apvydā. 10 godu laikā stacija veikusi lelū dorbu kvīšu un cytu kulturu selekcijā.

Tur īzauzēta jauna vosoras kvīšu šķirne — „Barnaula — 13“, kurai daudz vērtēgu īpašēību — labeiba nakreit veldrē, gryudi nabērst pīrms laika; šei šķirne īztureīga pret vylka zūbu un cytom slīmeibom. Nu nalela īcīrkņa, kurā šī kvīši īsāti Šīpunovas gryudkūpeības padūmju saimnīcībā, pagōjušajā godā nūvōkti 180 pudī labeības nu kotra hektara. Šū pavasari daudzūs nūvoda kolchozūs Barnaulas kvīšūs īsēs sāklū audzēšonas īcīrkņūs.

Selekcijas stācijas darbinīki pašlaik strōdoj pi sausuma

īztureīgūs agrūs vosoras kvīšu šķirņu īzauzēšonas Altaja stepju rajonim.

Stacija cīši saisteita ar augstūs ražu meistārim, cīmu laboratorijom un kolchoznīkim eksperimentēitōjim. Socialistīskō Dorba Varūnī — b.b.* Varīvoda un Rakītīns paleidz vairōt jaunas īzlasses šķirnes un īnest tōs kolchozu ražōsonā.

Īvārojamas panōkumus zynōtnes darbinīki gvyuši eļļas augu kulturu selekcijas dorbūs. Pādejus godūs jī īzauzējuši 8 jaunas augstaražēigas saules puku šķirnes, mogōnu šķirni „Altajīts“ un eļļas lynus „Sībīrīts“. Šō nūvoda austrumu rajonūs plaši īzplateita grīku šķirne, kū īzauzējuši stācijas seleccionari.

(TASS)

Agronoma padūmi

Ūgulōju kūpšona

Golvonais nūsacējums ūgulōju augstōs ražas īgyušonai ir pareiza ūgulōju kryumu kūpšona.

Ar pavasara īzastōšonūs, kotrs dōrznīks valneigs uzmaneigi apskateit sovu dōrzu un ryupeigi, jū apkūpt, lai ūgulōji varātu normalī augt.

Vyspīrms īteicams apgrīzt sausūs un vacūs zorus. Sorkonom jōņūgom un ērkškūgom naaugleīgī zori jōapgrīz leidz pašai zemei. Malnajōm jōņūgom dzynumu apgrīzšona jōīzdora 20 centīmetru augstūmā nu zemes. Vysu šū dorbu jōveic dažōs dīnēs, apgrīzūt kotru dīnu 2-3 zorus.

Sam nūlyukam, lai dabōt lelas ūgas, vīngadeīgīm zorīm apgrīz vērsūtnes, bet pēc tam stumbrūs jōpīsin pi mīteņim, storp kurim jōpīstīp tīva štīpule.

Ūgulōjus jōmāslōj ar vīrcu, superfosfatu vai kalīja sōli. Kalīja sōli var aizvītōt ar palmīm. Vītā vīna kilograma kalīja sōls jōlītōj 6 kilogrami palmū.

Agronoms T. Kirīlovičs.

Vēstule redakcijai

Slykti strōdoj myusu pīlsātas biblioteka. Vysod pī jōs durovom var īraudzeit lelū atslāgu. Tōpēc, lai sajimt laseišonai grōmotu jōzaudej daudzi dōrgō laika.

Vai nav laiks Zylupes pīlsātas bibliotēkas darbinīkim pasagrīzt ar seju pret laseitōjim.

Laseitōjs.

4000 radio stācijas

Lai nūdybynōtu pastōveīgus sakarus storp mašīnūtraktoru stāciju centralajōm ākom un strōdōjušīm uz lauka (10—20 un vairōk kilometru lelā attōlumā), traktoru brigades īreikoj „Urožai“ tīpa uzteres un nūraišeišonas radiotelefonu stāciju. Stāciju darbeības rādīuss ir 30—35 kilometru, un tōs vadeišona lūti vīnkōrsā.

1947. godā Sakaru leīdzekļu ministrijas uzjāmumi īzgatavōs 4000 aparātu, kas dūs īspēju nūdybynōt dispētčera sakarus 850 MTS; pīrma kōrtā radiostācijas syuteis uz Sībīrijas un Zīmēlkaukazijas golvanūs gryudkūpeības rajonu mašīnūtraktoru stācijom.

1948. godā ar taidom radiostācijom byus apgōdōtas tyukstuša MTS, bet 1949. godā — 3000.

(TASS)

Atbīldeīgō redaktora v.

L. ANAŠKINS.